

秀山志卷之八

豐泉陳竑如亭氏原纂

住僧方畧常安重輯

徒廣作禮三募梓

詩集 五言古

謁秀山廟

貴池人 劉 城伯宗

朱甕圍敗垣高齋猶自敞伏臘人所矜幽魂有懸賞溪
清魚正肥山秀色相莽携我七代書心目恣遊想濠濮
未逍遙華林猶擾攘夜梵時有無又愜禪供養展謁陳

秀山志

卷之八 詩集

一

此詞冥靈一拊掌

謁昭明廟

泗州天長人 陳以剛 燭門

蕭梁起建康儲宮盛才藻游宴集羣公文囿事蒐討手
衰七代書千古光梨棗仁孝既性生聰明早聞道前星
照秋浦食魚誇美好至今香積蕩遺躅瞻江表選樓餘
繡蠹雕宇啼山鳥園荒曝病僧徑古鼓芳草入門蝙蝠
飛人語度深宮文明仰多識人鬼資博考廣惠在池民
歲時荐行潦裡祀盛往代遣祭誠祈禱後乃職有司恐
為生靈擾我昨奉府牒展敬肅西皞茲來揖朱甕望古

愁渺渺古稱藩侯賢漢魏殊矯陳思賦洛神淮南集
鴻寶維摩曠代姿青宮建羽葆詞翰邁黃初經術有天
造胡為感蠟鷲終焉疚懷抱江陵與廣州默坐猶心悄
康盧侍二神考據多難曉當時十學士配饗何獨少遺
義久未安訪之古遺老

謁梁文孝王廟

泗州天長人陳以明

晉人薄世務放達明自然過江已累世猶美臨沂賢梁
室重師儒授徒雲門山春宮標洵淑潛德躍龍淵敦行
矯浮華崇孝無違顏至性感國人宏規乃復宣方嗟輔

秀山志

卷之八

詩集

二

之輩滅禮非所安

元良作邦楨四方仰繼照允懷仁聖資恪守詩禮教監
撫惜餘閒詞林搜衆妙心羅七代書力探千祀道陶匏
良異器黼黻足幽好畧穢得清英觀文究闡奧陋哉宋
人言惜此非典要

居室樂羣籍目想覲元始長歌招隱篇餘情寄山水晏
息踈宮監優笑不入耳去讒引賢俊討論識微旨豈知
諸端生幾令大獄起陵側檢鵝物慚憤終沒齒斯文變
淫哇家令作宮體

文選樓

貴池人胡光亡覲廷

翛然出世姿生不戀黃屋謝彼袞冕榮愛茲山水綠漫
漫秋浦間惓惓媚幽獨放眼莽蒼外胸次盪塵俗嘯傲
依山邱岑樓愛小築網羅百代餘藝苑供馳逐姬漢逮
宋齊摺摺入篇幅陶鑄等鴻鈞萬彙歸亭毒又如涓々
流導達納海瀆染指匪一嚙千載餘芳馥俎豆代不祧
士林爭尸祝嗚烏亂空庭哀猿啼幽谷落日陰風生松
聲時謾謾猗欵帝子靈瞻拜心神肅

釣臺

胡光亡

秀山志

卷之八

詩集

三

潛龍出少海翩然下雲隈清音愛山水輕舸一溯洄籬
籬長竹竿坐釣山之崖滄泓鏡潭水高映玉屏開潭空
人影靜孤月相徘徊虬松隱白鶴時一為君來到今仙
跡杳兀然存高臺嗟彼永福省千載沒蒿萊何如一片
石壁立鬱崔嵬

登芙蓉尖

張翮

昔展五嶽圖劇愛芙蓉峰卧遊餐秀色惜未一扶筇今
整秀山屐彷彿如相逢翠黛稱隻絕突兀倚青空雕鏤
疑鬼斧瘦削出神工攀蘿凌絕頂長嘯激天風俯視臨

無地層雲欲蕩胸大江來眼底蜿蜒如游龍遠樹小如
薺一望並空濛風中生羽翼恍與帝座通欲携謝眺句
搔首問天公

文選樓吟

銅陵人章廷鏞甄萬

正聲久不作繁音流激楚積軸隘崇邱散帙紛烟縷伊
誰蒼狐毳醞釀酌精黍猗欵梁帝子網羅無遺緒沉思
理翰縈約束歸部伍寶茲瑤華章禁嚮出砧俎

東朝憚暇晷眷言遊衡湘衡湘杳無極珥節石城旁高
原抗雲構几硯飛湖光綠萸媚初景朱華晞新陽幽鳥

秀山志

卷之八 詩集

四

鳴韶部魚鱗膾沉香所嘉民俗醇日夕共相羊

纍々園中瓜離々霜前實所處嫌疑間君子慎勿失學
道有正命履貞自安吉慧義屬強解厭勝崇幻術豈伊
佞佛情翻為舍沙質安得商山翁來遣愁與疾

愁疾一何有睠懷崇山阿密蔭散餘景幽泉霈遠波冕
黻光秩祀縱業鏗鯨鼉巫咸為君舞祝史為君歌彞學
斟桂醕翠釜出紫駝惠我乎福我萬禩永無頗

文選樓吟

銅陵人章廷鈞次昂

純孝亦無方慈眷亦無敵豈有青蠅飛瑕能玷白璧誰

為蠟鵝謠史外滋太息天不永梁祚坐令前星謫得毋
石城民宜被元冥澤風流已千載高樓自爽々鸞鷲翔
瓊牕龍蛇競畫壁袞冕肅清嚴旌旆煥金碧咫尺安寧
陵肸鬩終無射眷懷永福省長吟振遺籍

文選樓

銅陵人楊錦雲

秋浦訪遺踪高樓狀磊砢光華日月爭文藻江山播仁
孝邁當年懿徽被青瑣聚書數萬軸丙夜然藜火西苑
殊可攀蕭梁付蓬顆何如文選樓遠勝臺城墮試上釣
台看秀挹峰千朶

秀山志

卷之八 詩集

五

文選樓

銅陵人章天紳蒙泉

風雅久息絃騷人始易調漢魏作者興藻思何淵妙飈
流永嘉末濃絨不相肖大如英咸鳴細亦蠹蠅噪卓哉
帝子靈汗簡敦俗好手羅七代竒同出一爐造駢散既
賅存妍媸別鑑照熊々天球光冥々鳳凰叫譬魯備宮
懸古音盈清廟選政稱首庸粹鑑不能到憶昔少海星
飛掛石城奧浮名等輕埃斯文勇前燾蕭梁事已虛選
閣光彌耀湖影射靈龕山光映玉貌始知文字尊茅土
不足較手把珊瑚枝凌風發長嘯

釣臺

貴池人王者香蘭舒

疊、秀峰高渺、鏡潭僻倒影映清波崔嵬一片石帝
子出蕭梁素有烟霞癖青宮不足戀愛茲聊寄跡山水
稱幽情紅塵欣遠隔終日坐苔磯一竿投水碧寄意豈
在魚得失非所惜風清月白閒悠然閒自適至今歷千
秋風景還如昔我來訪遺踪踏雲穿兩屐歷、水雲鄉
誰是同心客依岼柳垂絲猶訝綸百尺遠浦起漁歌暖
曖日將夕橫空老鶴來一輪山月白

昭明祠

東流人黃昌遇逢泰

秀山志

卷之八 詩集

六

愛作秋浦遊精靈托斯土風物變六朝文章高萬古廟
貌何歸然永作吾池主佳氣環秀山崇隆開殿宇金鐘
及大鏞為君一再鼓浩歌荐瓊漿飛花滿廊廡

文選樓懷古

貴池人方嘉銓定衡

秀山有選樓六朝有文衡振衰從此始漢魏恣閒評富
貴非吾願淹雅孰與京目光十行下手披萬卷橫聰明
自天授純孝本性成漑澤盈秋浦江流雲外生釣臺一
片石千載月光明

釣臺

貴池人施師敷

淼、鏡潭水儲君昔垂釣盤石何輪困蒼苔自繚繞輕
舟時往來持竿發長嘯寄意泉石間烟波足清眺至今
尋遺踪風月供冕弔兩岸松杉冷空翠澹餘照

秀山懷古

貴池

張全昌

步屨山之隅幽境覺清悄碧水自迴環白雲時繚繞亭
亭矗遠峰彌望青未了樵父出岩扃歌聲聞嫋、遙憶
梁東儲素性親魚鳥范、六代間落、孤鴻矯嗟哉鶴
駕還千年歸華表白雲滿帝鄉盼望蒼冥杳莽然清風
來淒聲動寒篠間立重徘徊新月出林杪

秀山志

卷之八 詩集

七

釣臺

貴池林

榮 蔚起

磊砢倚山隈粼、一片石上罨淺茸青下映空潭碧一
水自縈迴宛與塵寰隔結撰知多年烟雲自闔關卓哉
梁帝子夙抱山水癖屏彼軒冕情甘作逋逃客戀此駐
行旌漫、心志適長嘯俯清流一竿投月白鶴駕倏翩
躚千載留遺跡我來躡其巔懷古情脉、臺城風雨湮
莊陵狐兔宅何如此高臺巋然自今昔坐弔晚風前恍
惚挹丰格據石一高歌不知日已夕清音嫋、來漁笛
起寒磧

過秀山謁昭明祠

貴池 李芳椿 幹齡

晨榮遵秀山松陰圍絕壑巋然古崇祠輝煌麗丹雘少
海跡已遙高風緬猶昨一朝辭青宮此志甘澹泊皇儲
何代無紛、慨湮沒安得如蕭梁英靈還儼若廟宇依
岩阿明裡重有託文選署樓名刪訂頗浩博辨香試凭
弔大雅不復作到此懷遺文篇章半零落展拜重欷歔
題詩慰寂寞晚鐘數聲催斜陽淡林薄

釣臺

貴池 林正清

一石橫碧流儲君此垂釣獨坐把漁竿山水相輝耀落

秀山志

卷之八 詩集

八

落千年間清趣供憑眺霽色澹微波晶瑩籠夕照漁歌
隔岼來風中傳古調我欲撫長綸臨流一坐嘯

選樓懷古

貴池 張鍾福 樹田

我來秀山遊殷勤訪古蹟昔有校書人青宮一逋客攬
勝水雲鄉建樓依泉石戶外羅烟霞堦前矗松柏罷釣
歸來兮閭中披古冊上下數百年羣賢供驅策捧讀六
朝編倦懷情脉、雪嶺晚風清鏡潭秋月白帝子杳然
去悵望空山碧

釣臺懷古

貴池 吳宏謨

攬勝琅山涯一境自幽僻輪囷片石存斑駁苔衣積憶昔梁青儲愛作烟波客坐此把漁竿彷彿留遺跡千載憶風徽惆悵隔今昔入夜月光寒朗照空潭碧

釣臺懷古

貴池 吳國鼎

把釣臨長流潭光明若鏡樹影波中含夕陽天外映清風颯々來隔溪聞樵咏心共野雲閒不與流波競恍惚梁青儲于茲恣遊泳飛躍任天淵諳彼魚鳥性至今千載餘遺踪留石磴誰謂一竿輕博此聲名盛

釣臺

貴池 彭銳捷書

秀山志

卷之八 詩集

九

崇臺矗鏡潭、水澄如練魚龍鼓浪游皎々銀花濺遙溯把竿人舊是金閨彥棄彼軒冕榮甘作臨淵羨據石撫綸絲羣鱗時隱現但覺清風長不知陵谷變欲為寫作圖安得鵝溪絹

釣臺懷古

貴池 章夢尚 渭川

山水有清音太冲何蕭爽言契帝子心巡遊快茲賞攬勝秀峰間超然空蒼莽玉鏡水一泓金崖石千丈披豁坐苔磯漁父亦同黨拂珊瑚之枝垂翡翠之網意得筌可忘境閒心自廣伊古名達流邱壑任俯仰我過七里

灘桐江秋波盪又聞苔雪溪桃花春水長風景故依然
前賢跡已往矧乃少海星照耀岑岩上泝流欲乘槎空
自擊蘭漿不見投竿人但聞泉溜響日落澹生烟閒鷗
戲滉潏誰欵欵乃歌風清兼月朗

陵寢

桐城王 華濱麓

天地無成心生死有定數上下千百年倏忽若艸露少
海居青宮酷性耽章句遭謗走風塵池陽暫流寓只今
土一坏荆榛相回護渡江問琅山樹昏日云暮青鞋尋
古踪樵人指荒墓落々三尺餘冕服應如故長跪酌杯
酒大招更誰賦秋風起哀聲蕭々白楊樹

秀山志

卷之八 詩集

十

文選樓懷古

貴池吳鳴鸞 玉山

蕭梁誕帝胄聰穎有神助鶴駕巡南邦浦水行旌駐靈
爽託秀山憑弔衣冠墓文選擷六朝集腋多妙句無煩
絲竹音山水有清趣大孝超羣倫芳徽留元圃乃聖而
乃神池民藉呵護下里荐馨香永保甘棠樹

文選樓吟

貴池洪 筵

滄桑易變遷高人自千古青宮惟所求軒冕等塵土秋
浦寄遊踪營心在藝圃樓高北斗星簾捲西山兩漢魏

羅錦篇集機成纂組六代空繁華嗟哉問漁父山水送
清音長為風月主

玉鏡潭懷古

東流張懷裕念恒

試訪儲君蹟徘徊向中沚長堤淨雲烟潭空涵秋水憶
昔校書人逍遙窮睇視至今千載間尸祝遍閭里臨流
一長歌悵悵情曷已美人招不來柳岫秋風起

登文選樓懷古

東流吳士輿濟美

悠悠名利場塵世爭徵逐卓哉梁儲君選勝秀山麓岑
樓一躋攀瀟洒蕩胸腹少海走潛蛟前星照幽谷糟粕

秀山志

卷之八詩集

十一

六朝文捃摭存穀菽冠裳委土垠遺跡見松竹仁孝本
性生斯文胡郁、浮雲過太虛使我心折服

文選樓

貴池洪今輝舊名瀾

梁有文選樓遺跡在秋浦江南好讀書長為風雅主非
為貴口魚弁髦視圭組蠟鵝格蒼冥俎豆永斯土

釣臺懷古

東流張惠聖脩

偉茲古石臺亭、若孤嶠佳致最清幽時有烟雲罩憶
昔梁帝子持竿此垂釣鏡潭水一泓環繞多奇妙隔岫
泛漁舟臨風歌古調攬勝多遊人薄暮閒登眺載酒坐

磯頭明月來相照

文選樓

貴池方心裁就某

選樓在秀山舊址屬秋浦昔日翰墨場風流高千古
兩京併三都哀帙詎堪數懷溯一登臨誰為風月主

秀山志

卷之八

詩集

十二